

EUTYCHII BENIAMIN
TRANSALBINI
DISSERTATIO
PHILOLOGICA
DE VOCIBUS
HHARTYMMIM
ET
BELAHATEHEM
Exod. VII. 11.



- - ut monitus caueas, ne forte negoti
Incutiat tibi quid Sanctarum incitiae legum.

Q. Horat. Sermon. Lib. II.

M D C C L V I I

W

13/4/03

BK

A.167106

אל תדין את חברך עד שתגיע למקומו:

Ne iudices *) focium tuum, donec in eius locum peruenias.

In Pirke Abhoth Cap. II. §. 4.

*) *Appendendo eum in statera* - - - - Opusculi inscripti: Gedanken über die Werke des Liebhabers der Wahrheit von der Heresy. §. 6.



DISSERTATIO.



Ea semper modestia de vocibus חרטמים Hhartymmim, & בלהמהם Belahetehem egerunt temperatiores Critici & eruditiores Philologi; ut, siue obscuram illius significationem; siue dubiam istius originem uerisimili coniectura panderent: magnam nihilominus apud literatos gratiam sperare ultro iuberent eum, qui meliora & certiora inueniret, atque cum illis communicaret. Porro, quid ab hac Virorum ἑβραϊκωτάτων moderatione magis absolum? quam palam heic damnare aliquid, quod non intelligas, aut nescias; & animo ante aliquid statuere damnandum, quam tibi liqueat; an falsum sit? calumniis item, non rationibus pugnare? (*)

a 2

Plane

(*) Confer. Clarissimi Muratorii sub nomine Lamindi Pritanii de ingeniorum moderatione. Lib. II. Cap. III.



Plane accidit, Vir literatissime! ut nuper tuam opellam subcisiua hora legendo, uoces laudatas, illotis pedibus, ut aiunt, a te expositas deprehenderem. Primo quidem fastidium excitabat stylus agrestis magis, quam aculeatus; tum, admirationem risu temperabam ad illas nimium confidentis animi, & falli proni, cum audaces dictaturas; tum lapsus, nec in triuo absque indignatione corrigendos. Porro, qui hoc ausus est, num aliud quid auderet, ultro lectione discere properabam: atque ita contigit, ut erroribus calumnias & obtrectiones iunctas; complurium in uno famam, abs te, more a Christiano homine, nedum masculino & docto scriptore prorsus alieno, laceffitam, uehementer dolerem. Rectius equidem ad mali compendium, modum furori tuo silentio meo ponere opinabar; sed suafit nihilominus data occasio nonnulla de uocibus laudatis, alias sparsim (a) & in uastioribus uoluminibus ab eruditis Viris philologice expensa, in unam Dissertationem cogere, atque tuam auda-

(a) Libet heic adnotare, ad nostri seculi genium, inscriptiones illorum operum, quibus de Literatorum propensissima, alias etiam in me beneuolentia, usus sum:

ספר הדקדוק והכל התיבות שנמצאו בלשון הקדש

Ioannis Reuchlini Phorcensis primi Graecae & Sacrae Hebraicae linguae adeoque meliorum literarum omnium in Germania autoris, in Galliis uero & Italia uindictis Lexicon Hebraicum, & in Hebraeorum Grammaticen commentarii &c. Sebastiani Munsteri opera & non lenibus uigiliis absolutae sunt. Basileae per Henricum Petrum, Mense Martio, Anno M. D. XXXVII. in f.

Eduardi Leigh, Equitis, L. A. M. & Aulæ Magdalenæ Oxoni Praepositi, Critica Sacra, id est, Observationes Philologico-Theologicae, in omnes radices & uoces Hebraeas V. T. Editio Latina Quinta. Gothae sumptibus Jacobi Meuii A. DCCVI. in forma, ut uocant, quarta.

An-



audaciam ita coercere, ut impoſterum uetearis eouſque graſſari & furere. Nec acerbe feras, quum te illotis pedibus rem pertractaſſe, uel in limine aſſeuero: nunquam enim ulli, cui ſanum eſt ſynciput, perſuaſeris, te ex duorum linguae Hebraicae gnarorum ſententia, illa adduxiſſe, quae ex talibus petere, oportebat. Hoc, ut opinor, tua ſimulatione uolebas, ut tibi aliorum uitio erranti, illud Horatii dici queat:

Prudens emiſti uitioſum —

Memineris autem, me duntaxat §. 6. tuae opellae heic expenſurum, ne pretioſi temporis iacturam patiar. Stylum uero latinum ea ratione elegi, quia non tuae linguae hominibus ad exinaniendos calices conuenientibus; ſed ad humanitatem comparatis ſcribo. Rem itaque per otium iam expendamus.

Primum quidem, ut Hebraei dicere ſolent de ſacro Codice, *ſecuri graſſaris in ſacrae Scaipturae hortum, & ſuccidis plantas eius ſelectas*, ſubſtituens formationes Chaldaicas pro Hebraicis; & ſtatum, ut aiunt, abſolutum pro conſtructo.

a 3

Ne-

Andreae Riueti Piſtaui, Doct. & Profeſſoris Theologi Commentarii, in Librum ſecundum Moſis, qui Exodus apud Graecos inſcribitur. Lugduni Batauorum apud Franciſcum Heyerum A. MD CXXXIV.

Criticorum Sacrorum Tomus VII.

Commentarior. Cl. Calmeti Tomi I. Pars I.

Selecta monumenta eruditae antiquitatis Diſſertationibus VIII. Ioannis Bapt. Paſſerii I. G. Uicarii Piſaurienſis expenſa & illuſtrata curante Antonio Franciſco Gorio. Florentiae MDCCL. e typographio imperiali. in f. 8ua. mai. Harum III. & IV. uſus ſum.



Neque dixeris, me fumos uendere: en textus Hebraicae Veritatis, (b) abs te ad uindicandum R. P. D. Sterzingerum indicatos! (c) uiden an tuum Hartumin, ea fide, qua tu legis, heic reperire fit.

Genesis XL. 8.

וּקְרָא אֶת כָּל הַחַרְטָמִי מִצְרַיִם
mitzraim. hhartymme col eth Vaiikra

Danielis I. 20.

אֶל כָּל הַחַרְטָמִים
hahhartymmim. col Al

— II. 2.

לִקְרָא לַחַרְטָמִים
lahhartymmim. Likro

Errasti Amice! atque ad eundem lapidem non bis, ut aiunt, uerum ter offendisti: Danielis Cap. II. 27. & v. 11. duntaxat חַרְטָמִין Hhartymin hac formatione legere est; ergo alterutrum locum indicare, necesse fuit. Vel heic iam apparet, opellam tuam talem esse, quam nec labor excuderit, nec cura limauerit: solius furoris negotium, imaptiens laborum gradus fieri. Nolim ego erroris tui fontem, ex Buxtorfii exemplis, non

(b) Ita passim S. Hieronymus Sacra V. T. uolumina appellat. Confer. Prolegomena in Diuinam S. Hieronymi Bibliothecam nouae edit.

(c) Warum aber Herr P. Sterzinger vielmehr das Wort Hartumin hat brauchen wollen, mag wohl die Ursache seyn, weil er das Wort Hartumin öfters in dergleichen Umständen in der Schrifte gefunden: als Gen. 41. 6. 8. Dan. I. v. 20. & 2. v. 2.



non apposite intellectis, multa uerborum serie heic ostendere: uelim autem ad meliora studia exciteris isto Ciceronis incitamento II. de Orat. *Tardi ingenii est riuulos consectari, fontes rerum non uidere; aetatis est ususque nostri a capite quod uelimus arcessere, & unde omnia manant uidere.*

De origine, formatione, atque significatu nostrae uocis, num siue ratione ductus, siue experimento edoctus scripseris, rectius me acturum puto, si adductis Virorum Εβραϊκωτάτων auctoritatibus & rationibus, tuam demum audacem dicturam, tuasque putidas opiniones, indicauero.

Atque ut ab origine rem inchoemus: Fuerunt quidam qui peregrinam uocem esse dicerent, & *radicis* omnino (d) incertae; alii (e) compositam, alii uel Chaldaicam (f) uel Aegyptiacam esse memoriae prodiderunt. Qui rem propius attigisse mihi uidentur, sunt Cl. Cl. Io. Baptista Passerius, & Nicolaus Fullerus, quorum ille, postquam de Hebraismo Aegyptio-

(d) *Radix est incerta, quia, ut notat Mercerus, uox est peregrina, quales multae in linguam Ebraeam sunt ascitae. Ita Rivetus pag. 137.*

(e) *Rabbi Saadias uocem compositam censet, atque a אטום & חור etymon repetit, eosque הרטומים interpretatur qui ex arboris foramine obturato siue obstructo (namque id ualet אטום חור) praestigiis seu ueneficiis nescio quibus diuinationes eliciunt. Cuiusmodi diuinandi genus (nisi forte quis fatidicam Dodonae Quercum, quam tamen ut aperte fabulosam Strabo reiicit, huc attinere autumauerit) quia nusquam gentium reperio, prudens omitto ac negligo. N. Fullerus Tom. VII. Critic. Sacr. pag. 266.*

(f) *Rabbi Aben Ezra ita suspicatur: quoniam in Scripturis S. non alibi legitur, quam ubi de rebus utriusque illius gentis agitur, Vi- de Fuller, loc. cit.*



ptiorum ad Religiosissimum doctissimumque Virum Paulum M. Placiaudium Cler. Regularem Theatinum differuisset, tandem in Lexico Aegyptio - Hebraico ita ad nostrum institutum pagina 136 - 138. loquitur: „ CHARTVM. Conueniant Ex-
 “ positores uocem hanc, quae plurali numero est חַרְטוּמִּים
 “ *Chartumim*, vulgoque interpretatur *Coniectores*, *Augures*,
 “ *Magos*, ut Genes. 41. 8. & Dan. 1. 20. esse Aegyptiacam,
 “ apud quos cum haec scientiae monstra maxime obtinerent,
 “ facile introductum est, ut ab illis ad ceteras Nationes nomen
 “ deriuatum sit. Iuuat in hanc rem sententiam Doctissimi Cal-
 “ metis in medium adferre “ (g): *Nomen חַרְטוּמִּים Chartu-*
mim, quod hic habetur in exemplari, Aegyptiacum esse, cuius
germana significatio sit ignota, passim persuasum est. Septua-
ginta uertunt Εἰγυπτίας *interpretes. Aquila Κρυφίας occulta*
pandentes. Symmachus, cui recentiores nonnulli accedunt,
Μάγος Magos; alius Σοφός Sapiens. Alii interpretantur
Prophetas, Divinos, Genethliacos, quae omnes interpretationes
id genus hominibus recte possunt accommodari. Magi erant,
quia uirgas suas in serpentes commutarunt coram Moyse, ut
legitur Exodi VII. 11. Diuinandi munus etiam sibi arroga-
bant, quia ad interpretanda Regis somnia aduocantur. Si ex
 He-

(g) Istam Cl. Calmetis sententiam ex ipso Commentarii loco in Genes. XL. 8. describere malui, quam laudati Lexici exemplum adducere typothetarum incuria non nihil corruptum in graecis ubique; in latino ob substitutam uocem Aegyptiorum pro Aegyptiacum, & positum comma ante illa in exemplari *Aegyptiorum esse*; quod prorsus diuersum parit sensum.



Hebraica radice חרט Caelare (h) טמה claudere *nomen* Chartumim deducatur, possemus illud interpretari de iis Sacerdotibus Aegyptiis, quorum erat libros sacros, & notas hieroglyphicas explicare. Diuus Clemens Alexandrinus lib. 5. Stromat. narrat, libros omnes Theologicos apud Aegyptios hoc modo fuisse conscriptos; additque Diodorus lib. 3. a nemine potuisse illos praeterquam a Sacerdotibus explicari. Vocabulum Hierogrammateis, quo utitur Porphyrius lib. 4. 8. de Abstin. ad denotandum genus quoddam Sacerdotum Aegyptiorum, maxime accedit ad Hebraeum Chartumim. " Huc usque eximius Doctor. Video tamen priorem eius sententiam, qua vox ista deducitur a radice חרט * caelare Scalpere, stylo scribere, passim a Grammaticis exceptam esse; nam communiter sub eadem radice ponitur. " Itaque Cl. Passerii iudicio Chartumim [*Hhartymmim*] non Chaldaica sed Aegyptio-Hebraica vox est; siue, ut clarius dicam, est vox Aegyptia, ex Hebraeorum lingua deriuata.

In eandem fere sententiam it alter a Cl. Passerio Nicolaus Fullerus Miscell. Sacror. lib. V. cap. XI. immo ad linguae sanctae proprietatem magis accessisse mihi uidetur. Iuuerit illius quoque iudicium heic adducere: " Mihi certe a חרט promptissimus & rationi quam congruentissimus placet deducendi modus, ut ך fit *beemanticum*, & חרט a חרט- formetur ad instar שלש a שלש. Porro חרט a Graecis redditur γράφει id autem denotat & instrumentum artificis nempe *stylum*, aut
b " etiam

(h) חרט secundum tempora & personas flecti, in Scriptura S. nusquam reperiō; nec illa significatio, uel alia similis (*sculpere insculpere, exarare*) ei unquam conuenit: bene uero radici חרת quae semel duntaxat in Scriptura Exodi XXXII. 16. extat: חרות על הלהת *Hharuth al hallyhhoth*; *Sculpta in tabulis*. Idem * obseruandum.



“ etiam caelum, (quemadmodum uocabulum Hebraicum a no-
 “ uissimis Interpretibus ueritur) & artem ipsam, v. g. *pic-
 “ ram, caelaturam, uel sculpturam*, quae stylo caeloue exer-
 “ cetur. Quare חרט is proprie censeatur esse, qui supersti-
 “ tiosos quosdam characteres, picturas, imagines, figuras, alia-
 “ que eiusmodi notissima Magices subsidia adhibebat in nefariae
 “ diuinationis suae operibus exsequendis. Itaque neutra Grae-
 “ corum uersio satis conuenire uidetur. Nam ἱεργητής Gen.
 “ XL. 8. uti scribit Hesychius, est ὁ περὶ ἱερῶν καὶ δημοσίων ἱε-
 “ γόμενος, i. e. *uictimarum uel exstorum atque ostentorum in-
 “ terpres*. Εἰσακτὸς autem Exod. VII. 11. est *incantator*. Uter-
 “ que *uerbis rem peragit*, sicut ait Hieronymus, nec quicquam
 “ illis cum stylo caeloque negotii est. Onkelus Paraphrastes
 “ חרט reddit חרשׁ, qualiter etiam Syriace *Magus* uulgo uo-
 “ citatur Act. XIII. 6. &c.

Licet omnino nihil detractum uelim famae ac eruditio-
 ni Virorum alioquin clarissimorum, qui nudam assertionem de
 origine uocis nostrae attulerunt; tamen longe potior mihi est
 Passerii & Fulleri auctoritas rationibus suffulta: atque istius eo
 rectius, quo magis ad linguae Hebraicae praeceptiones, rem ab
 illo expensam fuisse uideo. Ad haec, obseruauit Vir eruditus,
radicem חרט a חרת, quae sculperre, insculpere, exarare sonat,
pullulasse, aspirata tantummodo in tenuem mutata. Itaque
(concludit) primaria thematis significatio iure statuitur cae-
lum stylusque (i) scriptorius.

Si Viri non illiberaliter isto inuestigationis genere occu-
 pati, ita modeste sua nobis tradiderunt, ut meliora ac certiora
 in-

(i) Styli ueteris formam altera parte retusam & planam dedit Cl. Mont-
 fauconius Palaeographiae Graece lib. I. cap. III. pag. 21.



inuenientibus non inuiderent: quid de tua Magister! audaci omnino dictatura sentiendum? Ceterum, (k) inquis, Hartumin (l) est uox Chaldaica, & quidem dualis numeri; ut hoc interim tibi largiar, quod aliorum nuda adsertione inductus, Hhartymin uocem origine Chaldaicam esse, (alioqui de formatione nemo dubitat) nude pronunciaueris: in illo tamen, quod de duali numero addidisti, non possum non asseuerare, te toto coelo aberrasse. Pace tua, Vir litteratissime! uerbis Cl. Baconi de Verulamio heic utar: (m) "Hominibus profecto, " inquit ille, magno iudicio praeditis, ludibrio sunt *Audaces*;
 b 2 " imo

(k) Weiters ist Hartumin ein chaldäisches Wort und zwar von der zwey-
 fachen Zahl. pag. 16.

(l) Quaeso a te! ne mihi quandam temeritatis notam imponas, dum
 הרטמין atque הרטמין literis latinis, aliter actu perscribo: Hhar-
 tymmin scilicet & Hhartymin: sequor enim Cl. Mathiae Waf-
 muthi *Hebraismum facilitati & integritati suae restitutum* (Lipsiae &
 Francofurti An. 1714. in forma quarta) & alios, qui adcuratius rem
 obseruarunt; prout etiam passim Cl. Cl. Johannes Martinay & Anton.
 Pouget in adnotationibus ad Diuinam Sti. Hieronymi Bibliothecam
 ח per hh indicarunt. Septuaginta quidem, teste Cl. Bern. Montfau-
 con in *Differt. de ueteri Litterarum & Vocalium Hebr. pronunciatione*
 Tom. II. *Hexaplorum Originis* inserta, legebant per Χ Chi, ut
 חם χαμ Cham; quos e recentioribus Hillerus, Schudtius, aliique
 ita sequuntur, ut etiam improbent ח per hh expressionem. Ego ut
 uerum fatear, aspirationem illam, ubi sit, *magis possum intelligere,*
quam sonare. Nemo itaque omnino improbauerit istam literae ח per
 hh designationem; ea praesertim de causa, ut ח dum *haspirata* ma-
 net, atque ita per ch exprimitur, ab illa distingui possit. De *ualo-*
re Kybbutz & Dagesch fortis satis exploratum est. Ad haec
 scito, tui gratia textum originarium literis latinis a me describi.

(m) Sermon. Fidel. XII. de Audacia. Edit. Londin. 1638. pag. 173.



“ imo & apud ipsum Vulgus *Audacia* aliquid habet Ridiculi.
 “ Nam si Risus obiectum sit Absurditas, ne dubites, quin ma-
 “ gna Audacia semper secum habeat aliquid Ridiculi. “

Quis uero neget te omnino audacem fuisse? Nemo sane, qui uel primis Chaldaicae linguae rudimentis imbutus, tuam, nescio qua em analysin legerit. Hartumin, inquis, est uox Chaldaica, & quidem DVALIS NVMERI. Absit! *Dualis numerus fit in יין (n) ain) sed rarior est. In Daniele & Esra aliqua occurrunt: ut ידן *) IEDAIN. Dan. II. 34. &c. Sed neque illius uocis formam duali numero apud Chaldaeos usu recepto, in scriptura expressam, usquam, ni fallor, inuenio. En loca Scripturae, quoties; qua forma; quo libro, capite, & uersiculo חרטם Hhartom inuenitur:*

Dan. II. 10. חרטם Hhartom,

חרטמים Hhartymmim,

Gen. XLI. 24. }

Exod. VIII. 3. }

———— 14. }

———— 15. }

———— IX. 11. }

bis occurrit.

Daniel. I. 20. }

———— II. 2. }

In Statu absoluto Num.
 Plur. format. Hebr.

(n) Joh. Buxtorf Gram. Chald. & Syriac. pag. 26. & 33. Edit. Basileenf. 1685.

*) In textu est *praepositio* ב proin Scheua geminum contrahitur in Chirek longum.



הרטמי Hhartyimme,

Gen. XLI. 8.	}	In Statu constructo Num. Plur. form. Hebr.
Exod. VII. 11.		
———— 22.		

הרטמין Hhartymin,

Daniel. II. 27.	}	In Statu absoluto Num. Plur. form. Chald.
———— V. 11.		

הרטמאיא Hhartymaiia,

Daniel. IV. 4.	}	In forma emphatica Chald. Num. Plur.
———— 6.		

Porro, si more tuo ictus uibrare; aculeato iratoque stylo heic uti uellem, nonne potius caussa caussae, ut dicunt, responderet? Equidem hoc longe sit a me: illud tamen, contracta licet in rugas fronte silentio feres? dum errores tuos mansuete quidem accuso & prodo; sed tamen accuso. Habes, unde mihi perpetuo gratias agas, cum de hac modestia; tum de caritate, qua nomen tuum (quod quidem reuelare mihi in sinu est) eatenus reticeo, ut etiam uehementer doleam, te unquam loquutum fuisse; quam ob rem ita uisus sis ut, si millies taceas te uideamus. Nosti enim socratem, qui non tam in uultu putabat uidere hominem, quam in uerbis.



Si adhucdum uita & communi Spiritu fruerentur Viri egregii, morum elegantia, & ingenio illustres Ioh. Reuchlinus, Nicolaus Appelles, Paulus Aemilius, (o) Petrus Canisius & alii

(o) Erit, saltem professione gratitudinis, heic excusatus iste meus conatus, quae memoriam uitae *Aemilii*, sparsam & uagam, quantum quidem per otium licuit, collegi atque stabiliui.

P. Aemilius †. A. R. S. cId Id LXXV.

Paulus Aemilius patria Romanus; inſitione Boius: ſpreta Iudaeorum Synagoga Chriſti ueſtem in Romana urbe ſuſcepit; ſingulari, ut ipſe fatetur, in Dedicatoria epiſt. Othonis titulo S. Balbinae Cardinalis, & Epifcopi Auguſtani opera adiutus. Porro Cathedrae Petri inuiolata communione confociatus, poſtquam urbes alias atque alias luſtrauiſſet, tandem Ingolſtadium, ciuitatem Academia celebrem, aduenit. Annum cId Id XLVII. Cl. Rotmarus notauit, quo Aemilius in *Album* Vniuerſitatis inſcriptus eſt; unde aduentum eiſdem augurari licet. Demum, uolens Aemilius, iuxta ſententiam Saluatoris, *cibum operari qui non perit*, anno ſequenti cId Id XLVII, quo a Sereniſſimo Boiorum Duce Guilielmo *Calendis Iunii leſſionum reformatio facta eſt, linguam Hebraeam*, ut Rotmarus tradit, *profitebatur*: quod ingenuae profeſſionis inſtitutum, annis ſeptem ſupra uiginti egregie ſuſtinuit. Facile inducar ad aſſerendum: Aemilium aliquando Monachii ſubſtitiffe: enim uero, *Catalogum Codicum Hebraicorum*, cum Manuſcriptorum, tum Editorum, qui in inclyta Sereniſſimi utriuſque Bauiariae Ducis Bibliotheca aſſeruatur, abſens concinnare haud potuit: concinnauit autem magna ex parte, ut illa breui notatione, ſcripta in margine *Catalogi Statione 4. N. 37.* indicatur: *Paul. Aemil. hic finem fecit.* Zelum praeterea Religionis cum ingenuis artibus Aemilius coniunxit; ut haud obſcure indicat opuſculum eiſ aduerſus Iudaeorum perfidiam editum. *Vitus Iacobaeus Poeta Laureatus*, Auſtor ſynchrenus, atque in eadem Academia *Poetices Profeſſor* illum ſequenti inſcriptione & carmine, quo reliqua eiſ ultae conditio deſcribitur, ita celebrauit:

“ EGRE-



alii plures, olim in Bauaria linguae Hebraicae cultores & propagatores; atro carbone procul dubio notarent temeritatem suam, qua non es ueritus, ignorantiae tuae, simulationem cum in-

“ EGREGIO VIRO, D. PAVLO AEMILIO
Romano Medicinae Baccalaureo & hebraicae
linguae Professori peritissimo.

- “ Debita quis sacrae referat praeconia linguae,
“ Qua sator immensi condidit orbis opus?
“ Non si centena fari mihi uoce daretur,
“ Exprimerem laudes lingua sacrata tuas.
“ Explicat istius praecepta, recondita sensu,
“ Nomen ab Aemeliis cui graue Roma dedit.
“ Is Iudaeorum Synagoga sponte relicta,
“ Conuersus Pauli nomina Paulus habet.
“ Is uarios hominum mores, lustrauit & urbes,
“ Hinc late terris, inde uagatus aquis.
“ Iactitat is sese numerosa prole beatum,
“ Quae mater longae posteritatis erit.
“ Omnia Iudaicae nouit mysteria gentis,
“ Quique latent huius sub pietate, doli.
“ Ille caput medicas etiam per Apollinis artes
“ Extulit, Hebraica magnus & arte potens.

Scriptorum ab Aemilo operum, sequentia tantum inuenire ac uidere potui:

חמשה חומשי תורה עם חמש מגילות שיר השירים רות
קוהלת איכה מגילות אסתר גם ההפתורות בלשון אשכנזי על
ידי ר' פאזיל אמילי פה אגושטא שנת ש"ד

Quinque *quinarum Legis* (Pentateuchus) cum quinque *historiis*, *Canticis Canticorum*, *Ruth*, *Ecclesiaste*, *Threnis Hieremiae*, *historia Ester*
עזרא



iniuria praetexere; qui tamen sine socia & amica opera, ad fines, quos maxime ignoras, solus ambulasti.

Quid

*cum lectionibus in lingua Germanica per manus R. Pauli Aemilii in Augusta Anno *) 304. in folio. Ita recensetur in Catalogo supra citato Statione 3. N. 37.*

Widerlegung, vnd Ablainung etlicher fürnemster Articul, vnd Vrsachen, darumb die Iuden, iren vnd der gantzen welt rechten, warhaftigen Messiam Iesum Christum nit annemen. Durch Paulum Emilium Romanum, vor etlichen Iaren von den Hebreern zu den Christen bekoeret. *Ad finem opusculi.* Getruckt zu Ingolstat, durch Alexander Weissenhorn. M. D. XLVIII. *In forma, ut uocant, quarta. Constat Plagulis 6 $\frac{3}{4}$ praeter epistolam dedicatoriam ad Otho- nem C. & Episc. August. datum Ingolstadii die Iouis ante (Dominis- sam nuncupatam) Inuocauit, anno editionis.*

Diem, mensẽ & locum, quibus de uita exit Aemilius, Cl. Rot- marus ad An. CIO IO LXXV. ita refert:

“ Obiit 9. die Iunii in ipsa Octaua Corporis Christi, M. Paulus
“ Aemilius, Hebraicae linguae Professor, sub statione processus cum
“ Sacramento. ad ipsius aedes. Habet Epitaphium lapideum apud D.
“ Mariam, cum figura Conuersionis D. Pauli: de eo aliquando eius-
“ modi lusi carmen, cum Ingolstadianos describerem Professores:

*Rara fides constans est desertoribus, omnis
Et nutat profugus: quantò tua gloria maior,
Quòd tot es antiquam Christi complexus in annos
Sincere sub corde fidem? &c.*

*) A. Ae. C. 1544. Annus enim Iudaicus minoris supputationis, i. e. omisso breuitatis gratia millenario, fit An. Chr. per additionem 240. u. g. Annus praesens „527. Iud.

240.

„767. Chr.



Quae de significato uocis *Hbartymmin* adduxisti, non ausim penitus reiicere: illud uero nescio qua ratione approbaue-
rim, quod illam cum (p) Belahatehem confundas; enim quid
de prioris significato asserendum sit, satis, ut arbitror, ex uer-
bis Fulleri supra laudatis, coniecere potes: quid uero de expo-
sitione alterius uocis statuendum sit, uelim, porro audias.

“ Quartum nomen, *inquit Riuetus*, (q) non tam est
“ Magorum ipforum, quam artis eorum, בלהטיהם Belahate-
“ hem, incantationibus suis. Ergo להטים non sunt incantatores
“ sed incantationes; nam ut recte notauit doctissimus Amama ב
“ praefixum satis ostendit hanc uocem adhiberi ad denotandum
“ modum actionis. Cur autem sic appellentur incantationes, ua-
“ riant sententiae, quia thema potest esse להט *lahat* cum ה uel
“ לאט *laat* cum א. Si primum, deducetur a fulgore gladii,
“ hoc enim significat uox להט *lahat*; forte quia fulgore gladii
“ fiebant incantationes. Si uero לאט *laat*, cum א ut positum
“ sit ה pro א, quod eo fit probabile, quia postea scribitur sine
“ ה, cum א sub ל compensante א. Erit ergo a uerbo quod oc-
“ cultare significat, euenire, tegere, ut sit לאט *laat*, arcanum,
“ absconditum, quod incantatores tantum norunt; & pro eorum
“ insusurationibus ponitur; quia incantationes tacite fiunt. “

Reuchlinus eandem uocem (r) ita exponit: “ להט *Acies*
“ gladii, uel secundum Rabi Salomonem lamina scilicet polita &c.
“ Significat etiam magica ueneficia quae fiunt per consecrationem
“ gladii, quae nostra translatio nominat incantationes Aegy-
“ ptiacas & arcana quaedam Exod. 7. & fecerunt etiam ipsi
“ per incantationes Aegyptiacas & arcana quaedam. Onke-
“ lus

c

(p) Hartumin . . . heist öfters soviel als Belahatehem.

(q) pag. 173.

(r) pag. 127.



“ lus chaldaice transtulit miffitationes, & dicit Rabi Salomon
 “ quod eius copia non habeatur alibi in biblia.

Cl. Leighius, qui ad opus fuum concinnandum *optimos*
adhibuit Lexicographos & Commentatores, (s) quos modo po-
 tuit accipere & inuenire, fequentem adducit (t) crifim ad No-
 men להט . . . “ Exodi 7. 11. & fecerunt etiam ipfi magi Ae-
 “ gypti בלהטיהם Belahatehem incantationibus fuis fimiliter:
 “ quod tales incantationes fierent ferro, aut acie gladii: quafi fit
 “ quoddam incantationis feu praefigiatarum opus, quod fit lamina
 “ gladii adhibita. Mercer. illorum incantationes fic appellantur,
 “ quia decipiunt homines nescientes quid cum illis fiat, & rem
 “ unam pro alia indicantes, quemadmodum & oculos facillime
 “ possumus obfufcare & decipere uibratione gladii fulgentis . . .
 “ *Labatim* a *Labat* uel quia flammae inftar uelociffimo raptu &
 “ motu, fe ex uno loco transferunt in alium, ut ex imo ac ad fe
 “ trahant serpentes, ramos & fimilia, uel quia operationes fuas
 “ peragunt auxilio daemonum, quorum nonnulli ex elemento ignis
 “ fuam naturam habent. “ Ita Viri non minus literati, quam modesti.

Quam uero ob rem tu cum emphafi negas, (u) להטים,
 fue ut more tuo loquar, Belahatehem effe de radice להט? An
 non limato iudicio & urbanitate egerunt Viri laudati? Itane in
 du-

(s) Vide Praefat. primo loco pofitam.

(t) pag. 246.

(u) P. Agnell widerfpricht und zwar mit feiner angebohrnen groben Art,
 (ita fcribunt, qui Caricam mufam colunt) und fagt, daß es Belahate-
 hem heißen müffe, davon das Stammworte Labat ift. (Rem acu teti-
 gifti: להט Lahat non לבט Labat P. Agnellus pag. 9. adnotauit.)
 Nein, nein mein Herr Liebhaber! nein, ich habe zwey diefer Sprache
 Kündige befraget, dann ich geftehe es aufrichtig, ich verftehe fie nicht,
 und fie gaben mir zur Antwort: daß keinesweges Labat das Stamm-
 wort



dubiis, & ubi ultra uerisimilia non attingitur, cum aduersariis agendum est, atque e plauastro, ut aiunt, loquendum? Sed tu Ioh. Buxtorfium appellas, qui in lexico suo ostendat *Belahatehem* esse de radice Luth. (x) Ergo cum Buxtorfii autoritas tibi sit pro achilleo argumento, non pigebat, te audire Ioh. Buxtorfium filium istius, de usu Concordantiarum Bibl. Hebr. (y) differentem; atque porro certiora de origine nostrae uocis ex Patre percipere. “ *Secundus usus est*, (inquit ille) quod continent Lexici Hebraici formam absolutissimam: ita ut incertum sit, re-
 “ etiusne Concordantiarum quam Lexici uocabulum illis accom-
 “ dari possit. Continentur enim in eo non solum distincte omnes
 “ Radices cum suis deriuatis omnibus, sed & singularum uocum
 “ formae uniuersae, appositis statim singulorum uocabulorum lo-
 “ cis, in quibuscunque per uniuersam scripturam occurrunt. . .
 “ Deinde potest hinc Lexicorum imperfectio, sicubi deficiunt,
 “ perfici & compleri &c. “ Porro uideamus sub qua Radice in
 Concordantiis positum sit uocabulum *Belahatehem*: “ *לִהט* signi-
 “ *ficata eius* (uerba sunt Buxtorfii Patris) *duo sunt I. Ardere,*
 “ *Flam-*

wort von *Belahatehem* sey, sondern der berühmte Johann Buxtorf in seinem zu Basel im Jahre 1735. gedruckten hebräischen und caldäischen Wörterbuch wird dem Herrn Liebhaber zeigen, daß Luth das Stammwort von *Belahatehem* sey, denn Luth heißt verborgen: ist also die Ableitung des P. Agnell's grundfalsch, und giebt dadurch seine Kenntniß dieser Sprache genug an den Tag.

(x) Lut לִהט uolebas scribere: nam Luth לִיט Hebraei nesciunt.

(y) Basileae sumptibus & typis Ludouici König Anno 1632. in fol. mai. de huius operis utilitate, ut in Praefatione habetur, scribit pag. 64. de Interpret. script. *Ut autem de certitudine Lexicorum Hebraeorum magis reddaris securus, & sicubi Lexica imperfecta sunt ipsa, quod nemo negare potest, & experientia nimium conuincit, imperfectionem illam uidere, agnoscere & corrigere queas, duos tibi commendo libros, quorum utilitatem immensam satis laudare non possum, uidelicet Concordantias Hebraeas super Vetus Testamentum, & Concordantias Graecas super Nouum Testamentum,*



“ *Flammare.* “ Demum postquam exempla adduxisset, inquit:
 II. *Incantationes* בלהטיהם *Belahatehem Incantationibus suis*
 Exod. VII. 11. Quid igitur reliquum est, quam concludere,
 Buxtorfium non de *Lut* לוט; sed de להט *Labat* nostram uocem
 deriuatam ostendisse. Ceterum *Lut*, non uero *Labat* talem ha-
 bere significationem, qualem tu adduxisti, non inficior.

Haec sunt, quae de uocibus *Hbartyimmim* & *Belabate-
 hem* per otium in unam dissertationem cogere licuit: si animo
 stat, contra illam tuum stylum armare, atque erroribus errores
 addere, non impedio scribentem; sed ut olim Chiorum Legatos,
 (docente Plutar. in Apoph. Lacon.) ipsas Ephorum Spartano-
 rum sedes uomitu implentes, haud aliter uindicandos duxere spar-
 tani, quam publicum edictum sanciendo, *solis Chiis permissum
 esse turpiter agere*: ita meo quidem arbitratu, decernatur tibi
 priuilegium errandi. Cuticulam tuam incautus ostendisti, uelim
 itaque leoninam deponas. Verbis tuis deinceps facito stateram
 bonam; illa enim, in qua P. Agnellum appendisti, atque cum
 eo alios plures, non est bona. Demum

Lenior & melior sis accedente senectâ. *

* Horatius lib. II. Epist. ad I. Flor.

A D N O T A T I O.

Dum haec Differtatio typis exprimeretur, opportune accidit, ut Vir
 quidam eruditus mecum beneuole communicaret Ienenfes eruditorum eph-
 merides; quarum XXXXII. Parte, pag. 346. ex quibusdam circumstantiis,
 nescio quibus, Cl. Petrus Paulus Finauerus iudicatur Aucto-
 re esse opellae in-
 scriptae: Gedanken über die Werke des Liebhabers der Wahrheit von der He-
 rerer. At, error est haud paruus, quem uelim emendet, quisquis ita conie-
 cit. Aliam enim Cl. Finauerus studiorum rationem colit: popularium suorum
 ab eruditione clarorum memoriam uindicando, atque ad decus & utilitatem
 ciuium, horas, data officio publico opera reliquas, ingenue consecrando. Ad
 haec certiora adducerem, nisi modestia uetaret.

